

TATA PANGIBADAH MINGGU BIASA - GKJ AMBARRUKMA

20 JULI 2025

Gedung Induk Papringan, jam 08.00 WIB

Pepanthan Nologaten, jam 08.00 WIB

(Warni Liturgis: Ijem, Stola/Logo/Simbol : Prau+Peksi Dara+Pelangi)

1. **Pacawisan** : Imam mimpin pandonga ing konsistori
2. **Liturgos** :

*Sakderengipun pangibadah kawiwitan,
Liturgos nyumet 1 (satunggal) lilin pethak ibadah.*

Liturgos : “Pasamuwan kinasih kagunganipun Gusti Yesus Kristus, Pradataning Pasamuwan GKJ Ambarrukma ngaturaken sugeng rawuh, sugeng enjang, lan sugeng pepanggihan malih wonten ing pangibadah **Minggu Kalih Dasa Juli Kalih Ewu Selangkung (Selawe)** (20 Juli 2025).

Sumangga kita sami atur uluk salam namaste utawi kanthi jawat asta kagem pasamuwan ing sakiwa tengen, ngajeng, saha wingking panjenengan. Berkah kabingahan, karaharjan, saha tentrem rahayu tansah nyarengi kita sami.

Kula nyuwun kawigatosanipun sawetawis, awit wontenipun pawartos Minggu menika, ingkang badhé kula aturaken sapérangan (*maosaken pawartos*).

Jangkeping pawartos saged kawaos lumantar pawartos *online* ingkang saged dipun undhuh mawi *QR code* ingkang sampun kacawisaken wonten ing layar monitor, punapa ingkang sampun kacawisaken wonten grup Whatsapp, menapa déné lumantar iber-iber cetak ingkang kacawisaken wonten ing kori greja.

Pasamuwan ingkang dipun kasihi dening Gusti, pangibadah wekdal punika kanthi irah-irahan “***Sampun Ngantos Nglangkungi Kawula, Gusti***” badhe kaladosaken dening Bapa/Ibu Pandhita

Sumangga kita puji asmanipun Gusti kanthi repening kidung pambuka **Kidung Pasamuwan Jawi Sangalas, pada Setunggal lan Kalih (KPJ 19 : 1 + 2)**, “**Pamuji Konjuk Gusti**” *pasamuwan kasuwun jumeneng*

- (1) Pamuji konjuk Gusti kang nitahken jagad raya,
wit siyang dalah ratri tansah luber sih rahmatnya.
Nadyan ta jagad sirna, sihnya langgeng slaminya.
- (2) Pamuji konjuk Gusti nggih Allah Kang Mahamirah,
pra umat kang ngabekti tinuwukken klayan berkah,
salir ingkang pinanggya dados margining begja.

(Kidung kawiwitan, Imam lan Pengkhotbah lumebet dhumateng altar, Imam ngaturaken Kitab Suci dhumateng Pengkhotbah, sakderengipun Pengkhotbah mapan dhateng mimbar)

3. **Votum tuwin Salam Karaharjan:** *(Pasamuwan Jumeneng)*

- Pandhita : Pasamuwan kinasih, sumangga ing pangibadah dinten Minggu punika kita sesarengan mratelakaken pangaken konjuk Gusti ingkang mekaten:
- Sadaya : **Pitulungan kita punika pinangkanipun saking Sang Yehuwah ingkang nitahaken langit lan bumi, tuwin ingkang mboten nate nilaraken pakaryaning Astanipun.**
- Pandhita : Sih rahmat lan tentrem rahayu saking Sang Yehuwah Gusti kita, tuwin Gusti Yesus wonten ing bapak, ibu, sadherek lan lare-lare sadaya.
- Pasamuwan : **Mekaten ugi ing panjenengan.**
- Sadaya : **5 7 i . / 5 7 i . / 5 4 3 . /**
Amin, Amin, Amin.

(Liturgos: Pasamuwan kula aturi lenggah.....)

4. **Sabda Introitus**

- Lektor** : Introitus kapethik saking **Kolose 1 : 21-23**
- Lektor : “Mekaten sabdanipun Gusti”
- Pasamuwan : “Puji sokur konjuk Gusti”

5. **Liturgos** : “Pasamuwan kagunganipun Gusti Yesus, Sabdanipun Gusti lumantar Rasul Paulus ngengetaken bilih Sang Kritus Allah kita sampun nucekaken lan mirukunaken kita sami srana sariranipun. Pramila kita mestinipun kedah tansah mantep ing pitados, tetep santosa, lan mboten keguh.

Sumangga sesarengan kita repenaken kidung sukarena, **Kidung Pasamuwan Jawi Seket Sanga, pada Setunggal lan Tiga (KPJ 59 : 1 + 3), “Pinujia Tansah Allah Mamirah”**

- | | |
|--|---|
| (1) Pinujia tansah Allah Mamirah,
kang gung tresna nira mring salir titah.
Tyang dosa duraka sinung apura,
tinebus sing pati temah basuki | <u>Refr:</u>
Luhurna, mulyakna Gusti Sang Pamarta!
Luhurna, mulyakna Pangruwating dosa.
Pasrah maring Allah srana pracaya
margining waluya tentrem raharja. |
| (3) Pinuji tan kendhat Allah Murbèngrat, kang nunggil wah ngreksa mring kagungannya.
Tyang bekti lan setya sinung nugraha, gesang langgeng nyata néng kraton swarga..... <u>Refr:</u> | |

6. **Pendeta : Sabda Andharaning Katresnan (Mulad Sarira) : Jabur 31 : 2 - 3**

7. **Pacawisan Pamratobat**

Imam : "Pasamuwan ingkang dipun tresnani Gusti, Gusti karsa dados redi sela papan pangayoman kita, Gusti ugi dados beteng santosa ingkang mitulungi kita.

Sesarengan kita badhe nyawisaken manah, murwakani pandonga pamratobat, kanthi memuji **Kidung Pasamuwan Jawi Seket Enem, pada Setunggal lan Kalih (KPJ 56 : 1 + 2), "Muliha Angger"**

(1) Muliha angger, muliha den enggal!
Paranmu wus adoh, lakumu kesasar
Adhuh cilaka angger muliha!
Den enggal muliha!

(2) Élinga sira, wong dosa tobata.
Ramamu kang asih nganti klawan sedhih.
Adhuh, cilaka sira wong dosa,
dèn énggal tobata.

8. **Pandonga Pamratobat**

Imam : "Pasamuwan ingkang sampun dipun tunggil ing padalemanipun Gusti, sesarengan kita aturaken pandonga pamratobat, kita ndedonga:

"Pinuji-pujia asma Paduka, Gusti ingkang maha agung lan kebak ing kamirahan. Paduka mboten negakaken kawula tiyang ingkang mratobat menika. Wonten ing pangibadah menika Gusti, kanthi manah ingkang cuwa, kawula atur panelangsa, kawula mratobat saking sedaya dosa kawula punika. Pramila Gusti, nyuwun piwelasa saha Paduka ingkang nucekaken saking sakathahing dosa kawula. Panganthi saha pepadhang saking Sang Roh Suci dados panuntun lan dilah ing sak uruting lampah gesang kawula. Linambaran pangurbananipun Gusti Yesus Kristus Juru Wilujeng, kawula ndedonga. Amin."

9. **Pandhita : Pawartos Sih-Rahmat lan Pangatag-atag Gesang Anyar : Pangandharing Toret 31 : 6**

10. **Kidung Kasanggeman**

Liturgos : "Pasamuwan kagunganipun Gusti, Gusti Allah kita kadhawuhan nggadhahi manah ingkang santosa lan tatag, mboten ajrih awit Gusti Allah kita nunggil ing sedaya lampah kita, Panjenengane ora mboten badhe negakake lan nilar kita sami.

Pramila kita saget ngaturaken wangsulan kanthi sesarengan ngrepekaken **Kidung Pasamuwan Jawi Kalih Atus Kalih, pada Setunggal lan Tiga (KPJ 202 : 1 + 3), "Rahayu Kang Utama Lakune"..... pasamuwan kula aturi jumeneng**

(1) Rahayu kang utama lakune ngambah dalaning prentahe Pangeran.
Rahayu kang netepi dhawuhe. Wong kang manut ing sapangrehe Gusti,
sarta tansah telaten netepi sakarsane klawan eklas ing ati.

- (3) Dhuh Yehuwah, wicanten kawula, "Gusti punika panduman kawula, dene kawula namung sumedya badhe netepi sadhawuhing Gusti"
Gusti mugè maringi sih-mirna de panyuwun kawula kanthi eklas.

(Liturgos : *Pasamuwan kula aturi lenggah.....*)

11. Wedharing Sabdanipun Gusti

(*Pasamuwan Lenggah*)

- a) Pandhita : Pandonga Epiklese
b) Pandhita : maosaken **Purwaning Dumadi 18 : 1-10a**
c) Pandhita : **Rahayu saben tiyang ingkang mirengaken sabdanipun Gusti lan nindhakaken karsanipun Gusti ing gesang padintenan. Haleluya.**
Pasamuwan: 1 1 | 3 3 0 3 3 | 5 5 0 5 5 | 6 . 5 4 3 |
Hale - luya Hale - luya Hale - lu - ya
d) Pandhita : Paladosan Khotbah
e) Irah-irahan: **"Sampun Ngantos Nglangkungi Kawula, Gusti"**
f) Ancas : **Pasamuwan kajurung tansah emut wigatosipun rawuhipun Gusti ing gesangipun, ndadosaken Gusti ingkang utami, saha njagi gesang kanthi sae lan leres supados Gusti tansah nyarengi lan paring kanugrahan.**
g) **Wekdal Ening.**

12. Pisungsung

Imam : "Pasamuwan ingkang dipun kanthi Gusti, berkah tuwin kamirahanipun Gusti tansah linuber kababar ing gesang kita sami. Pramila, kita badhe caos pisungsung minangka cihnane raos sokur kita kagem Gusti.

Pisungsung wekdal menika kapantha dados tigang kanthong, kanthong setunggal kagem pasamuwan, kanthong kalih kagem kesaksian pelayanan, lan kanthong tiga kagem panyengkuyung dana griya éméritus. Pisungsung mirunggan saged dipun lebetaken ing kotak ingkang sampun kacawisaken. Lan ingkang ngersakaken caos pisungsung kanthi migunakaken aplikasi m-banking, sumangga saged mawi scan kode QRIS ingkang sampun cumawis, katèmpèl wonten palenggahan.

Tetales pisungsung kapethik saking serat **Ibrani bab Tigawelas ayat Gangsalwelas dumugi Nembelas (Ibrani 13 : 15-16)** ingkang mekaten suraosipun:

"Kang iku payo kita padha tansah saos kurban pamuji sokur marang Gusti Allah lumantar Panjenengane, iya iku kang arupa wohing lambe kang ngluhurake asmane.

Sarta aja lali nindakake kabecikan lan aweh pitulungan, jalaran iya kurban-kurban kang mangkono iku kang ndadekake keparenge Gusti Allah."

Kita aturaken pisungsung wonten ngarsanipun Gusti, kanthi repening pepujen
**Kidung Pasamuwan Jawi Satus Wolung Dasa Kalih, pada Setunggal dumugi
Tiga (KPJ 182 : 1 - 3), “Puji Sokur Lan Panggunggung”**

- (1) Puji sokur lan panggungggung konjuk mring Hyang Maagung,
kang nitahken jagad raya wah ngreksa kanthi setya.
Makluk wrata rinimatan krana sihing Pangeran.
Jagad tentrem lan raharja, lamun manut pangreh-Nya.
- (2) Surya, candra, lan pra lintang samnya nyunarken padhang.
Peksi ngoceh mawurahan wah sato-kewan girang.
Tetuwuhan ngumbar sekar sarta asung woh-wohan.
Sadaya sami memuji mring Allah Kang Makwasa.
- (3) Puji sokur lan panuwun konjuk Allah Mamulya,
kang sampun paring pitulung mring pra manungsa dosa.
Kang panggah sami pracaya mring Panebus sejati,
saestu manggya raharja, mulya langgeng ing swargi

13. Pandhita : Pandonga Syukur lan Syafaat

14. Liturgos : “Bapak, Ibu, lan Sedhèrèk kinasih ing Gusti Yesus Kristus, sumangga
sesarengan kaliyan tiyang pitados ing pundi-pundi papan, kita sami nélakaken
Pangaken Pitados Rasuli. Pasamuwan kula suwun jumeneng

- Kawula pitados dhateng Allah Sang Rama, ingkang Mahakawasa, ingkang nitahaken langit kaliyan bumi.
- Inggih pitados dhateng Yesus Kristus ingkang Putra ontang-anting, Gusti kawula.
- Inggih kabobotaken dening Roh Suci, miyos saking prawan Maryam.
- Inggih nandhang sangsara nalika jumenengipun Pontius Pilatus, kasalib, nglampahi seda, lajeng kasarekaken, tumedhak dhateng ing teleng palimengan.
- Inggih tigang dintenipun wungu malih saking antawisipun tiyang pejah.
- Lajeng sumengka dhateng ing swarga, pinarak wonten ing tengenipun Allah Sang Rama ingkang mahakawasa,
- Saking ngriku inggih badhe rawuhipun ngadili tiyang ingkang gesang kaliyan ingkang pejah.
- Kawula pitados dhateng Roh Suci.
- Kawula pitados wontenipun pasamuwan Kristen satunggal ingkang suci sarta wradin, inggih patunggilanipun para suci.
- Punapa-dene pangapunteining dosa.
- Tanginipun raga.
- Sarta gesang langgeng.

15. Pandhita : Paladosan Berkah

16. **Liturgos** : “Pradataning Pasamuwan ngaturaken panuwun awit peladosanipun Bapa/Ibu Pandhita lan sadaya paraga ingkang sampun nyengkuyung lampahing pangibadah Minggu punika, ugi pasamuwan ingkang rawuh lan nderek ing pangibadah.

Pasamuwan ingkang dipun tresnani Gusti, sumangga kita sami tansah emut wigatosipun rawhipun Gusti, ndadosaken Gusti ingkang utami, saha njagi gesang kanthi sae lan leres supados Gusti tansah nyarengi lan paring kanugrahan.

Sesarengan kita pungkasi pangibadah punika kanthi repening **Kidung Pasamuwan Jawi Tigang Atus Sekawan Dasa Enem A, pada Setunggal lan Tiga (KPJ 346a : 1 + 3), “Ndedonga lan Makarya”**

- (1) Ndedonga lan makarya kanthi trusing driya,
mbabarken sihing Gusti mring sagung sesami,
murih tentrem raharja sumrambah sadonya.
Asmanya Kang Mamulya pinuji slaminya.
- (3) Ndedonga lan makarya di tansah waspada.
Yen tinempuh panggodha tan gumiwang tiba,
manggul salibing Gusti, manut ing prentahnya;
tansah setya ngabekti lan manteb pracaya.

17. **Liturgos** : “Mekaten lampahing pangibadah ing enjang menika sampun paripurna. Sugeng dinten Minggu, sugeng kondur, Gusti tansah paring berkah tumrap sedaya.”